



Mag jy God se Genade
om jou raaksien
Mag jy Sy Liefde
in jou lewe ondervind
Mag jy Sy vrede in jou hart
voel

Welkom terug en mag hierdie kwartaal 'n vredevolle jaagtog wees (as dit enigsins sin maak 😊). Ons fokusteks (sien onder) gaan huis hieroor.

Johannes 14:27 "Vrede laat Ek vir julle na; my vrede gee Ek vir julle. Die vrede wat Ek vir julle gee, is nie die soort wat die wêreld gee nie. Julle moet nie ontsteld wees nie, en julle moet nie bang wees nie."

My gebed vir jou vir hierdie kwartaal is 'n oormaat van Jesus se VREDE.....

NUUSKRUMMELS: 19 JULIE 2018

NUUS UIT DIE KERKKANTOOR:



DINAMIET KIEDZ:

Hierdie 3de Kwartaal se program is onder aangeheg. Ons sien baie uit daarna om weer spesiale tyd met jul kosbare kinders te spandeer 😊

LIFELINE YOUTH:



Ons weet julle was seker nie baie "happy" oor skool wat weer begin nie, maar óns is, want dit beteken LIFELINE is weer aan die gang en ons kan julle weer sien! 😊😊
Sien julle Sondagaand! Bring a friend 🌸

Sondagaand 17:30 in Lourensrivier Kerksaal.
Alle hoërskool jeug is welkom 😊



✓ Jy en elke vrou in jou lewe is
uitgenooi na 'n bederf oggend
in God se teenwoordigheid.
Jy **M.A.G.** dit nie misloop nie

Kontak: Anneli Theron @ 071 586 1808 of kerkkantoor



Tema: Ek is ...

Datum: 15 September 2018

Tyd: 10h00

Plek: Lourensrivier Gemeente

Koste: R50 p/p

Kaartjies beskikbaar by kerkkantoor.

LOURENSRIVIER BASAAR 2018: SATERDAG 1 SEPTEMBER 2018 (JA, ONS HOU HIERDIE JAAR WEER BASAAR♪♪)

GROOTKOEKE:

Om suksesvol te wees, benodig die koektafel 25-30 TUISGEBAKTE koeke.
Enige geur, tipe en vorm sal baie welkom wees.

Skakel OF WhatsApp asb vir Judy Potgieter (082 599 4941) voor of op 24 Aug 2018 om jou bydrae te bevestig.

KAASKOEK EN SUURLEMOEN MERINGUE TERT:

Die kaaskoek en suurlemoen meringue tafel benodig 10-15 koeke/terte om suksesvol te wees.

Skakel of WhatsApp asb vir Jeanne Botha (021 853 84 89/076 153 9805) voor of op 24 Aug 2018 om jou bydrae te bevestig.

Asseblief en baie dankie vir jou kosbare ondersteuning.

Indien jy nog iewers wil help of betrokke raak, kontak asb vir:

Gerda de Villiers – 021-8547191 / 0824664766

Apolonia Maritz -021-8537560 / 0825077091

Groete
Basaarkomitee

VIR EFT'S OF FINANSIËLE BYDRAES:

Rekeningnaam: NGK Lourensriver

ABSA Bank Strand (Takkode: 334 312)

Rekeningnommer: 420 580 231

Stuur asb bewys van inbetaling na kerkkantoor per e-pos: fin@lourensriver.co.za of faks 021 853 8009 met verwysing (Naam & Basaar)

Bydraes kan ook by kantoor gedoen word of d.m.v. Koevertjies (by deure in voorportale) wat in kollektessakkies geplaas kan word.

Kuieraand @ Lourensriver!
27 Julie 2018
(fondse tbv Voedselfees)
Country-aand ↗ Sangers ↗
Heerlike ete ↗ Poeding ↗
Tee/koffie ↗
Bring eie glase & drankie saam 
Tombolatafel met lekker pryse ↗

Kaartjies by kerkkantoor: R60 pp
Ons sien uit daarna om saam
met jou te kuier ↗
Voedselfeesspan
Kontak: 021 853 5991



**MOENIE WAG
NIE!**

**BEPERKTE
HOEVEELHEID
KAARTJIES!**



Droë Vrugte:

Snippers (200 qr) @ R20 per pakkie
(deurmekaar vrugte)
Kakamas Perskes (taaipit) @ R60 p/kg
Cederberg Perskes (lospit) @ R60 p/kg
Pere @ R60 p/kg



- YUMMIE Koekies (Milo, Gemmer, Peanut, Gemeng...) @ R25 per pakkie (200g)
- Perske Blatjanq @ R35 vir 630g (lekkerder & meer as Mrs BI!)
- Perske & Appelkoos Blatjanq @ R35 vir 630g (lekkerder & meer as Mrs BI!)
- Marmelade @ R30 (470ml)
- Lappiesboontjies @ R45 p/kg (vir lekker sousbone en boontjiesop)

Lourensrivier Gemeente
Kontak: 021 853 5991 H/V/ Broadway & Da Gama

*Lourensrivier
se
Woekerhoekie*

NUUS UIT ONS GEMEENSKAP:

BASAAR: STRAND DIENSSENTRUM (NPO 011 – 303)

DE VILLIERSSTRAAT 30, STRAND: SATERDAG 4 AUGUSTUS 2018 VANAF 9H00

Kom geniet van ons lekkernye soos Pannekoek, Poeding, Koektafel, Hamburgers, Kerrie & Rys, Roosterkoeke ens. Pragtige handwerk te koop, asook 'n wit olifant tafel!!

Ons nooi almal vriendelik uit om die Dienssentrum te kom ondersteun met ons jaarlikse Fondsinname! Heerlike musiek word verskaf!

ALMAL WELKOM!

Helga Steyn: Admin/Bemarking

Nms Estelle Marais: Uitvoerende Beampte

BUURTWAG NUUS:

Julie Nuusbrief is nou beskikbaar met veiligheidswenke en inligting oor ons gemeenskap wat elkeen raak. Indien jy graag die nuusbrief wil ontvang, kontak asb. vir Carl Gersbach, 0836352114 of chgeng@telkomsa.net.

Besoek ook hul FB Blad met al die nodige inligting wat daagliks daarop geplaas word: <https://www.facebook.com/strandnw/>



STRAND BUURTWAG is die "oë en ore van die Buurt". 'n Uitnodiging aan alle Strand inwoners om asb. in te skakel by die Strand Buurtwag!! Raak betrokke en maak 'n verskil!



HAVE YOU SAVED THIS DATE? 13/14 OCT. 2018

We are now just over 4 months away to our Battle of the Bands October CANSA Relay For Life Helderberg Event. Our Date was changed from February to October due to request from many teams which gives more time to prepare your teams before the Christmas break.

We have finalised the following:

Date: 13/14 October

Venue: Hottentots Holland High School

Medics: Immediate Medical

Photographer: Elana.photography

Security-

Survivors: Any new names welcome – just let me know so that we can invite them to this great event.

Busy finalising: Entertainment; Food Stalls; MC, Music & DJ.

We need: Teams & Day Visitors

As you can see the committee has been working very hard and we are almost finished with all the major organising. So please do not delay enter your team today and help us make this Relay the Best Relay ever. Contact me for registration form. If you have any questions please do not hesitate to let me know and I will gladly respond.



Lucille Kruger
Team Chairperson:
0729286135

SNOEKBRAAI



Ons is bekend vir ons lekker ruim porsies !!!

TEN BATE VAN HUIS ESPERANZA

DATUM : **VRYDAG, 27 JULIE 2018**

PLEK : **HUIS ESPERANZA
DONALDSONSTRAAT 11
STRAND**

TYD : **ETES KAN TUSSEN 15h00 EN 18h00
BY DIE TEHUIS AFGEHAAL WORD.**

ETE : **SNOEK, PATAT, BROOD MET KORRELKONFYT**

KOSTE : **R50.00 PER PERSOON VIR 'N RUIM PORSIE**

KONTAK SUSAN BY (021) 854 7393 VIR BESTELLINGS !

BAIE DANKIE VIR U ONDERSTEUNING !



ACVV STRAND HANDWERKUITSTALLING – 25 AUGUSTUS 2018

Ons hou weer hul jaarlikse Handwerkuitstalling en Expo in Strand Stadsaal.

U is welkom om enige handwerk items te kom uitslaan en te verkoop. Die koste is R50-00 per tafel en die tyd is 09h00 tot 14h00. Ons benodig nog uitstallers. Indien u belangstel kan u vir Jackie Dippenaar by (021) 854-7215 skakel of ons besoek te De Villiersstraat 15, Strand. Ongelukkig word geen kos stalletjies toegelaat nie.

BERG -EN- SEEKLUB vir Senior Burgers

Byeenkoms 2 Aug. 9:30 (tee en verversings) vir 10-uur

Somerset-Wes, Moedergemeente Andries Pretoriusstraat Somerset –Wes

Spreker : Dr. WILLEM BOTHA (Hoofred. WAT)

ONDERWERP: Die Etimologie (Herkoms) van Afr. woorde soos allegaartjie, tameletjie, pierewaaier ens.

VOORDRAG -EN – SANGPROGRAM : Plaaslike Leerders, o.a. Wentzel-kinderkwartet!

Almal Welkom!

Lede : R5

Besoekers : R10

KNIEWERK

- ✚ Ons loof die Here en dank Hom vir die reën en dam vlakke wat steeds styg.
- ✚ Ons bid dat die gemeenskap steeds water sal bespaar.
- ✚ Bid vir ons land se leiers
- ✚ Doreen Tancred (HJS) baie siek
- ✚ Ons innige meegevoel met Roeloff Le Roux en familie met die heengaan van sy vrou, Sannie
- ✚ Ons innige meegevoel met Kittie Nortjé en familie met die heengaan van haar man, Piet
- ✚ Ons innige meegevoel met Willem Smit en familie met die heengaan van sy pa, Oupa Hekkie
- ✚ Fanie Viljoen in hospitaal
- ✚ Paul Louw se kanker het hervat
- ✚ Monte du Toit (HJS) herstel na operasie

Boodskap van André Thiart van Quionga, Mosambiek :

Ons dorp is in rep en roer. Mense verlaat hulle huise en kom in groepe bymekaar in huise. Daar was laasnag n aanval in Macanga. Vanaand kom daar nuus uit Chimpoteka dat huise daar gebrand is. Ons vra dat julle asb ernstig sal intree vir ons, ons dorp en die mense van ons dorp en omliggende areas. Vir meer nuus en inligting gaan kyk op ons FB Blaaie:

<https://www.facebook.com/MakweMission/>

<https://www.facebook.com/mosambiek.geletterdheid>

FOKUSTEKS VAN WEEK ASOOK DEEL VAN SO. 22 JULIE SE BOODSKAP: EF 2:11-22 (9DE WEEK IN KONINKRYKSTYD)

Christus – die Grensbreker

In Efes. 1:3 skryf Paulus: "Hy (die Vader) het ons IN CHRISTUS geseen met al die seëninge van die Gees wat daar in die hemel is." Die Vader wil vir ons alles gee wat ons nodig het. Hierdie "alles" kan ons net in en deur Jesus kry. As jy Efesiërs deurlees, sal jy sien dat die woorde "in Jesus / Christus" 27 maal gebruik word. Dit is asof Paulus vir die gemeente in Efese wil sê: Vergeet my lering, maar onthou een les: Ons kan slegs die seëninge en die volheid in Jesus kry wanneer ons in Christus is! Daar is niks wat ons kan doen – meer kerk toe te gaan, meer Bybel te lees, meer te bid – om meer van Jesus te kry nie. Hy het Homself ten volle vir ons beskikbaar gestel en vir ons gegee. Al wat ons moet doen is om "in Jesus" te lewe! Wat soek mense die meeste?? VREDE! Ons wil nie bekommernis oor geld, verhoudings, toekoms en soveel ander dinge nie. Na wat en Wie neem ons ons bekommernisse en vrees? Jesus het self "on-vrede" en ontsteltenis deurgegaan (Joh. 11:35, 12:27, 13:21) om vir ons vrede te bring. In Joh. 14:27 lees ons: "Vrede laat Ek vir julle na; my vrede gee Ek vir julle. Die vrede wat Ek vir julle gee, is nie die soort wat die wêreld gee nie. Julle moet nie ontsteld wees nie, en julle moet nie bang wees nie." Die vrede wat Jesus gee, is nie die afwesigheid van aanvalle, teenspoed, hartseer en probleme nie. Die vrede wat Jesus gee, is nie tydelik, soos vrede in 'n oorlog situasie nie. Ander beelde wat Paulus gebruik is dié van "nie bywoners nie, maar lede in die huisgesin" en "die gebou van God", wys ook op die eenheid wat ons in Christus verkry. Ons is almal gebou op Christus as hoeksteen en met die Bybel as fondament. Ons is nou saam die een geestelike woning waarin God, deur sy Heilige Gees, woon.

Ons het in vyandskap met God geleef, maar ons is nou versoen met Hom, daar is vrede tussen ons en God deur Jesus Christus. Ons kan probleme en teenspoed op aarde hanteer, want ons toekoms in Christus is vas en seker. Ons kan met troos leef in tye van hartseer, want hartseer is tydelik, maar ons vriendskap met God is ewig. Ons hoef nie bang te wees dat die teenspoed wat ons tref, beteken dat God is nie vir ons lief is nie. Nee, "Geseënd is dié wat treur, die wat arm is, die wat siek is..." God se liefde is in ons; Hy bring ons deur Christus in 'n nuwe familie met God in en gee ons vrede by Hom in sy geestelike huis.
- Ds Willem Botes -

OORGEE, OMGEE, AANGEE

Jackie@Lourensrivier

Skildery: "Peace in the Midst of the Storm"
deur Jack E. Dawson



DINAMIET KIEDZ, LOURENSRIVIER GEMEENTE

Jenningsstraat 55, STRAND; Tel: 021 853 5991

www.lourensriver.co.za

FB: Lourensriversemense EN Dinamiet Kiedz



PROGRAM: 3DE KWARTAAL (22 Julie 2018 tot 23 September 2018)

Graad 1 tot Graad 7 (08:45 - 10:15)

Di.	17/07/2018	Skole open	Lesmateriaal van KidsXpress wat hierdie jaar gebruik word:
So.	22/07/2018	Les 16	Belofteland: Dapper stappers
So.	29/07/2018	Les 17	Klein mensies leer Bybelkarakters al stappende! Hul ontmoet Bybelkarakters soos Moses, Josef, Elia en Jona. Saam met die karakters leer hulle meer van God, hulself en die wêreld waarin hulle begin grootword. Die aanbiedinge is baie verhalend met baie aktiwiteite om die klein mensies te help om 'n lewende belangstelling in God se Woord te ontwikkel. Outeurs: Riana Andersen en Chrissie Kritzinger
So.	05/08/2018	Les 18	
So.	12/08/2018	Skolevakansie	
So.	19/08/2018	Les 19	
So.	26/08/2018	Les 20 / Nagmaal	Graad 1: Oppad met Jesus (saam met BlinkBen)
So.	02/09/2018	Groot groep in kerk /	Graad 2: Eendag as ek groot is
So.	09/09/2018	Les 21	Graad 3: Ken jy vir Jesus
So.	16/09/2018	Les 22	Graad 4: Groei, groei, groei
So.	23/09/2018	Erfenisdag	Graad 5: Survivor Israel
Vry.	28/09/2018	Skole sluit	Graad 6: Amazing Race @ Kruis
			Graad 7: My Blink ID

<p>BlinkBen is 'n oulike karetjie wat saam met die kinders op reis gaan. Sy doen en late – én soms streke – bied die aanbieder die geleentheid om geestelike waarhede aan die kleuters oor te dra.</p> <p>Outeurs: Riana Andersen en Chrissie Kritzinger</p>	<p>Eendag wil ek.... Tydens elke les word 'n beroep bekendgestel dmv speletjies. bv Eendag wil ek 'n brandweerman wees. Eendag was daar... Ons gaan na die Bybel en vertel die verhaal van 'n karakter(s) wat aansluit by die beroep van die dag. bv. Sadrag, Mesag & Abednego in die brandende vuuroond. Vandag is die dag... Na aanleiding van die verhaal word daar gesels oor hoe ons vandag moet leef. Liewe dagboek... Elke kind ontvang 'n aktiwiteitsboek waarin hulle 'n aktiwiteit voltooi.</p> <p>Outeur: Chrissie Kritzinger</p>	<p>Hierdie reeks wil vensters oopmaak op wie Jesus is, wat Hy kom doen het, vertel het, hoe Hy lewens aangeraak het terwyl Hy op aarde geloop het, en hoe Hy dit steeds kan en wil doen. Op 'n diepervlak vra ons: "Ken jy vir Jesus?" Het jy 'n persoonlike verhouding met Hom? Is Hy jou Here, jou Held, jou Koning? Is Hy die een na Wie jy draai as jy bang is, bly is, dankbaar of hartseer is? My gebed is dat elke kind wat aan hierdie reeks gaan deelneem, 'n dieper persoonlike verhouding met Jesus sal ontwikkel, sodat elkeen van hulle ook met blink oë van "My Jesus" sal kan praat...</p> <p>Outeur: Chrissie Kritzinger; Illustrasies: Magriet Brink</p>	<p>Kyk hoe groei my liefde vir God groter en groter. Hierdie reeks wil jong kinders toerus en inspireer om as kinders van God te lewe en die regte dinge te weet, kies en doen sodat hulle geestelik kan groei. groter en sterker, sodat hulle blomme en vrug kan dra wat hulle Here verheerlik.</p> <p>Outeur: Chrissie Kritzinger Illustrasies: Magriet Brink</p>	<p>'n Oorsig vanaf 1 Konings-Maleagi. Wonderwerke en ander WOW-gebeure uit die Woord. Saamdoen idees oor wie ek in Jesus is. In hierdie reeks gaan julle julle eie Survivor hou en die kinders gaan die deelnemers wees! Die reeks se naam is, Survivor Israel, want terwyl die kinders aan lekker Survivor-challenges gaan deelneem, gaan hulle ook in die Bybel kyk hoe die stamme van Juda en Israel, God se spesiale volk, survive het – van Jerusalem na Exile en weer terug.</p> <p>Outeur: Tania Schultz</p>	<p>Jou amazing race begin by die kruis! Sak neer in die wegspringblokke en begin 'n amazing race met hierdie aksie-belaaiende lesse wat kinders aanmoedig om voluit aan die Christen-wedloop deel te neem. Bly fiks vir die wedloop deur geestelike oefeninge te doen en gereed God se Woord-vitamines in te neem. Op julle merke...geree... Gaan... om die hemelse prys te behaal.</p> <p>Outeur: Tania Schultz</p>	<p>24 Blink Idees om kinders te help om hul identiteit in Jesus te ontdek en uit te leef. Speel dit los met 'n speletjie wat raakpunte het met die tema van die dag. Praat dit uit in die saamgesels Bybelstudie. Knoop dit vas in die ID-boekie propvol aktiwiteite en Bid dit deur.</p> <p>Outeur: Tania Schultz Illustrasies: Magriet Brink</p>

Diensbaar vir Jesus

Karin Kuys (083 643 0653) - Eposadres: karinkuys@gmail.com